

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 268975 25 St
Zenica, 18.05.2026. godine

Općinski sud u Zenici, stečajna sutkinja Sanja Pavlić, u stečajnom postupku nad društvom Nova Željezara Zenica, d.o.o., ul. Bulevar Kralja Tvrtka I broj 17., koji je pokrenut po prijedlogu predlagatelja Nova Željezara Zenica, d.o.o., ul. Bulevar Kralja Tvrtka I broj 17., odlučujući o nagradi za rad privremenog stečajnog upravitelja Hadžirašidović Jasmina, donio je 18.05.2026. godine, slijedeće:

R J E Š E N J E

Privremenom stečajnom upravitelju Hadžirašidović Jasminu određuje se mjesečni iznos nagrade u visini tri prosječne bruto plaće u Federaciji Bosne i Hercegovine, za posljednja tri mjeseca, na ime poslova privremenog stečajnog upravitelja.

Određena nagrada isplatiti će se iz sredstava koja je predlagatelj uplatio u iznosu od 15.000,00 KM, na ime predujma troškova prethodnog postupka, a u slučaju otvaranja stečajnog postupka ukoliko navedena sredstva ne budu dovoljna za isplatu, isplatiti će se dio nagrade koji je moguć, a ostatak se isplaćuje na teret stečajne mase.

O b r a z l o ž e n j e

Rješenjem ovog suda broj: 43 0 St 268975 25 St od 11.02.2026. godine za privremenog stečajnog upravitelja u prethodnom stečajnom postupku nad društvom Nova Željezara Zenica, d.o.o., ul. Bulevar Kralja Tvrtka I broj 17., imenovan je Jasmin Hadžirašidović sa liste stečajnih upravitelja.

Prijedlogom od 08.05.2026. godine privremeni stečajni upravitelj je predložio da saud primjenom člana 4. Pravilnika o naknadama i nagradama za rad stečajnog upravitelja i članova odbora povjerenika, odredi nagradu privremenom stečajnom upravitelju kroz mjesečne iznose za svaki mjesec angažmana, imajući u vidu da su ispunjeni uvjeti iz čl. 4. stav 3 tačka a), kada stečajni dužnik nastavlja poslovnu djelatnost tokom stečajnog postupka.

Privremeni stečajni upravitelj ima pravo na nagradu prema odredbi čl. 63. stav 14. Zakona o stečaju („Sl. Novine F BiH“ broj: 53/2021 i 19/2025), pa je sud imajući u vidu obim poslova i rad koji su nužni u ovom stečajnom postupku, a naročito s obzirom da se radi o prethodnom postupku za društvo čija vrijednost imovine prelazi 400.000.000 KM, vrijednost obaveza cca 340.000.000, društvu izuzetne ekonomske, organizacione i tehničke složenosti, odlučio privremenom stečajnom upravitelju odrediti nagradu navedenu u izreci ovog rješenja, a sve u skladu sa odredbama čl. 4. stav 2. i 3. Pravilnika o naknadama i nagradama za rad stečajnog upravitelja i članova odbora povjerenika („Sl. Novine F BiH“ br. 4/2022).

Stečajna sutkinja
Sanja Pavlić

Pouka o pravnom lijeku :
Protiv ovog rješenja žalba nije dozvoljena